

湖南苗防屯政考

刀邊  
1892  
16



門 74  
卷 1332  
11



湖南苗防屯政考卷十四

二品銜前署湖南辰永沅靖道但湘良纂

學校

部覆鳳乾永保四廳縣士子苗生鄉試另編字號

嘉慶十二年三月准

咨

禮部謹

奏為遵

旨議奏事內閣鈔出湖南巡撫景安會同學政李宗瀚奏請將苗疆士

子及苗生等鄉試另編字號分別取中一摺奉

硃批禮部議奏欽此欽遵鈔出到部查原奏內稱苗疆鳳凰乾州永綏

湖南苗防屯政考 卷十四 學校

三廳並永順府屬之保靖一縣僻在邊隅向係改土歸流雖設學年久而鳳凰永綏保靖兩廳一縣至今尙未開科惟乾州於乾隆辛卯科中式舉人一名胡啟文丙午科中式舉人一名張秩然皆係寄籍其土著民人並未有能領鄉薦者嗣於乾隆六十年該廳士民均遭苗擾自戡定後修建碣卡均田屯勇爲長治久安之計皆能捐產急公共明大義今丁卯科鳳凰乾州永綏三廳保靖一縣鄉試者爲數較增但苗疆士子魯樸者多與通省諸生校藝難以獲售請照四川甯遠府另編甯字號之例數至三十名以上另編邊字號於本省額內取中一名又該四廳縣多係生苗地險巢深歷來反覆無常迥非永順寶慶靖州及黔粵兩省苗人可比查

鳳凰乾州永綏三廳歲科兩試各額進苗童二名保靖苗童亦附入民籍應試近科鄉試之士亦多而未能與通省人材校藝獲售轉恐阻其向上之心請將該四廳縣苗生照臺灣府另編至字號之例另編田字號仍照雲南等省順天鄉試另編中皿字號之例於十五名內額外取中一名等語臣等伏思鄉試爲掄才大典未可倖邀而邊郡文風亦宜隨時振作以廣

**皇仁**查例載四川甯遠府應試士子因邊遠地方難以獲售經臣部議准照甘肅甯夏府另編字號取中之例數至三十名以上者另編甯字號於本省額內取中一名等語今湖南鳳凰乾州永綏三廳保靖一縣僻在苗疆文風夙陋現據該巡撫等聲稱該廳縣士子

自戡定苗疆以後於修卡均田各事宜皆能急公向義而每逢鄉試從未獲售不足以示鼓勵應請如該巡撫等所奏嗣後鳳凰乾州永綏三廳並永順府屬之保靖一縣應試士子准其照四川甯遠府另編字號取中之例數至三十名以上者另編爲邊字號於本省額內准取中一名如不及三十名仍歸通省取中無庸另編字號至鳳凰乾州永綏保靖四廳縣苗生現據該巡撫等聲稱該苗民素稱反覆迥非他府廳州縣及黔粵兩省苗人可比向來歲科額進新童及附民籍考試者已不乏人近皆慕化讀書然與通省士子校藝自屬有失無得無以堅其向上之心亦應如該巡撫等所請准其照福建臺灣府另編字號額外取中之例另編田字

號取中惟該巡撫等請照中皿字號十五名取中一名查中皿字號現已改爲二十名取中一名第該巡撫究爲鼓勵苗生起見卽應如所請准其於應試人數在十五名以上者額外取中一名如不足十五名仍附通省取中毋庸另編字號卽將來應試人多亦不得於額外加取以示限制仍令主考官於苗疆士子及苗生應試文藝核其果係明順者照額取中再該四廳縣既經另編字號恐有他處民人託名苗疆苗生希圖僥倖者應飭該地方官嚴行查禁違者從重治罪自足以杜冒濫而昭慎重所有臣等酌議緣由是否有當伏候

欽定嘉慶十三年二月二十日奉

旨依議欽此

法南吉陽中正表

卷十四

三

（Faint bleed-through text from the reverse side of the page, including names like 姚興潔 and 胡如沅）

詳鳳乾丞保四廳縣紳士呈請詳題謝

恩 嘉慶十三年

辰沅 姚興潔

為邊學另設中額恭謝

天恩呈請詳題事案據鳳凰同知姚興潔署乾州廳同知李方毅承綏

廳同知胡如沅保靖縣知縣高誠會詳據紳士趙地靈包明漢會

世崧蕭榮科胡學文尙法型鄧士儼向昕饒桂何楷艾建洵鄧之

相朱煊姚柱吳太勳胡大魁王長錫黃士莊賈雲章等呈稱欽惟

聖治光昭四海戴

生成之德

皇恩遐布萬方慶登進之榮棘闈榜放春秋搜俊良而入選省會地分

湖南直隸州志

卷十四

學校

四

大小衡材藝以題名既中多中少之殊程亦因地因材而設額

聖天子振興文教

嘉惠士林

典至隆也

恩至渥也生等地處五溪之微學疏二酉之藏亦慕登雲無柰月宮路

遠未工織錦敢云日色目迷歎鶉薦之無期邊境之文星似暗當

苗氛之初靖藝林之學殖更荒仰蒙我

皇上者定武功

誕敷文德干戈戢則禮樂以興屯防周而膠庠徧設千餘座礪樓前後

咕嗶相聞七百程寨落生童扶搖有志欣荷

恩惠十三

恩逾恆格

俯俞入告之謨

澤沛荒隅

廣闢升騰之路編號邊田兩字

特恩及一縣三廳取材濼西五溪中額殊四州九府邊士三十名應試

定分蟾窟一枝苗生三五人赴科亦附鹿鳴一座此我

國家作人之

盛典實邊防下士之奇逢也從此虎化變山趁風雷而燒尾魚遊尚水

得雲雨而揚鬣岩疆播紅杏之吟鳥道有青雲之級此日窮邊草

木

湖南直隸州志

卷十四

學校

五

栽培盡南國榷榘當年礙道荆榛次第作春官桃李生等素切龍門之

願幸沐

甄陶仰承

鳳詔之頒益加淬礪所有生等感激下忱理合具呈叩請俯賜據情轉

詳具 題施行等情據此該鳳凰廳同知姚興潔署乾州廳同知

李方毅承綏廳同知胡如沅保靖縣知縣高誠會看得該士子苗

生等籍隸楚邊躬逢

盛世恥居僻陋莫鍾靈淑於山川快覩威儀初幸湔洗夫心面欽惟我

皇上義圖延慶

軒紀綿麻

聲教覃敷化行禹甸周原而外

文章丕煥光被堯天舜日之中說禮樂而敦詩書荒徼之儒風乍振遊

黨庠而歸術序新流之學業方勤乃志切探花明晤粗解文非拔

萃瑁瑛徒嗟何幸

聖量恢宏

皇恩霽靄率舊章於甯夏潛溫黍穀之吹仿成例於臺灣同燒龍門之

尾材慚樗櫟合禮蘭沅芷而敷榮質類砒砒偕和璞楚珩而增耀

從此香分月殿看衣白芷之衫亦得試赴春官冀食紅綾之餅實

出

殊榮之作育誠為異數之遭逢茲據該紳士等具呈前來理合據情詳

請咨 題等情到道據此該兼護辰永沅靖道事鳳凰廳同知姚興潔覆看得各該廳縣士子苗生等欣逢

景運幸際

熙朝沐

聖教之涵濡濯磨有自荷

湛恩之汪濊頂感難名欽惟我

皇上釀化覃敷

大鈞洪育含

太和而保合

德懋作人觀

文治之光昌

典隆造士苗疆底定既賣劍而買牛屯政初開復橫經而負耒惟未工

雲錦青衫則歲歲堪憐錯擲機梭花樣則年年難合何幸量材錄

取益贊甫陳

逾格搜羅

堯俞卽下人雖魯樸無虞葑菲之遺學本荒蕪得與參苓之選數百里

榛區狃境氣翊風雲千萬年僻壤荒陬光開日月榘枘杞梓都成

楚國之良珪璧璠璵盡是荆山之美此固八埏九窩共頌

皇仁豈惟二酉五溪益加鼓勵興潔躬膺邊要恭奉

絲綸





兩科鄉試並無該縣赴試苗生查乾州等三廳歲科兩試各額進苗童二名惟該縣苗童未設進額若就民童學額八名內分定苗童進額是增一苗童進額轉減一民童進額若照三廳添設苗童進額二名該縣苗童較少未免過優應請於該縣學額八名外添設苗童學額一名等語臣等伏思學校之設所以廣教化而在邊隅地方尤宜隨時鼓勵以移風俗而大陶成查乾隆五十年奏准乾州鳳凰永綏三廳各設苗童進額二名嘉慶十三年奏准苗童應鄉試者另編田字號數至十五名以下取中一名仰見我

朝

至教涵濡文風翔洽屬在苗民亦知誦讀詩書入黌宮而掇科第較虞廷干羽之化尤為盛事今據該學政等奏稱保靖縣苗童雖

比乾州等三廳人數較少而現在赴館誦讀者已有二百餘名將來應試之人自當日增惟因與該縣民童憑文校錄以致取進之人不得與該三廳苗生同預鄉試未免阻其向化之心自應如其所請於該縣學額八名之外添設苗童進額一名以廣

皇仁

則該苗民愈鼓舞於從善之途而邊隅益昭同風之感矣所有臣等酌議緣由是否有當伏候

命下

臣部纂入學政全書並行文該學政等遵奉施行謹

旨依

奏嘉慶十七年九月二十九日奉議欽此



湖南直隸州志卷十四  
縣卽不准其僑居別縣更置田宅墳墓之例乾隆五十年湖南學政錢澧清理鳳凰廳冒籍之時因周氏一族自明代業已入籍現雖居住辰谿並未跨考是以仍准在鳳凰廳應試並非疎漏姑容惟是鳳凰廳文風舛陋僅周氏一族多讀書能文故學政憑文取士進額多爲周氏所佔本處生童遂羣相攻擊迭起訟端該學政勉爲調停請以周氏一族撥入辰谿考試但辰谿亦舛陋之苗疆進額不過十二名無故增入周氏一族生童眾夥其多佔辰谿之額又加於多佔鳳凰廳之額以隣爲壑人情未必相安且原奏所據該鳳凰廳官吏所查並未飭辰谿地方官一同會勘猶恐於辰谿事勢未必兼籌應請

旨交湖廣總督湖南巡撫詳查辰谿一縣是否可以受撥不致再生事端之處覆奏到日再議等因准此當經行司並分札該道府督同鳳凰辰谿各廳縣公同悉心會勘旋由該司道轉據該府廳縣議覆前來臣高杞復細加確查得悉現在鳳凰廳佔考生員周麟現等原籍江西贛州於前明年間遷居辰谿卽在該縣龍門溪入籍迄今將近二百年並未在鳳凰廳落業雖沿襲冒考已進有人但實屬始終冒佔非先籍隸鳳凰廳置有田產而復僑居辰谿更置田宅墳墓也從前學臣清釐鳳凰學事在乾隆五十年維時苗疆甯謐該土著人民旣無邊防之累又鮮屯田之事惟日夕安居絃誦盡力丹鉛其考試文藝足與周氏生童比較優劣尙無攻擊滋衅

之事而學臣亦因影射該處田糧廬墓但未會跨考遂不復遠行  
議撥此係昔日實在情形今鳳凰廳自乾隆六十年匪苗滋擾之  
後地屬最要該士民逼處苗寨日夕守望勢難專事詩書其文理  
已不若周氏生童兼之沿邊壯勇非其子姪卽其親屬其捍禦之  
勞周氏從無一人與共也又鳳廳以一彈丸之地均田二萬餘畝  
分給各勇耕種以資口食而周氏從無一畝相助也平時遠處二  
百餘里之外屯防皆所不事及至考試則分佔學額其於情理均  
多未協况周氏一族居辰谿之地納辰谿之糧百數十年爲辰谿  
戶民其就近考試卽便多佔辰邑學額亦屬分所當然至鳳廳實  
非周氏本籍若仍聽其沿舊佔考不特生事之足虞且恐廳民從

茲解體設或爭相效尤紛紛遷徙他處僅於考期一至其地弋取  
青衿則邊隅將何恃以固守是今日鳳廳之學校實與邊防相爲  
表裏無論周氏例應改撥辰谿義所當受卽揆之事勢亦萬難姑  
容所有周氏一族旣經查明實係辰谿應請將現在鳳凰廳沿襲  
冒考之廩生周麟現周麟聘附生周昌遠周文光周昌嘉周昌文  
周昌球周麟云周麟瑜周麟鳳周麟奇周麟瑄佾生周昌定周麟  
尊周昌望等一十五戶悉仍照前學臣吳省蘭具奏撥歸辰谿縣  
學其廩生作爲候廩童生均歸該縣考試此外復查有廩生李序  
賓附生李序朝李益恭武生李藻光佾生李序昭李序許黃明黃  
順宋爲賢楊爲賢楊昌榮告給衣頂生員徐光明等十一名亦均

籍隸辰谿芷江麻陽等縣併請一體分別改撥庶足以清邊學而協輿情所有詳查周氏一族應行撥歸辰谿及續查出佔考各生亦應分別改撥緣由謹會同督臣具摺奏

聞

前案部覆

嘉慶八年六月准咨

禮部謹

奏為遵

旨議奏事本年五月十二日內閣鈔出湖南巡撫高杞奏請將鳳凰廳沿舊佔考之周氏生童撥歸辰谿縣原籍並續查出佔考各生分別改歸等因一摺奉

硃批禮部議奏欽此查嘉慶六年前任湖南學政吳省蘭奏鳳凰廳周氏一族並無田糧廬墓越境冒考佔額過半請將廩生周麟現等十五人撥歸辰谿縣學考試經臣部以鳳凰廳既因其佔額過多結訟改令考試辰谿恐周氏讀書者本眾而辰谿亦苗疆弁陋之

區仍不免多佔進額人情是否相安請

敕交該督撫詳查覆奏到日再議等因具奏奉

旨依議欽此欽遵咨行去後茲據該撫等覆奏稱據該司道督同鳳凰辰谿各廳縣公同悉心會勘得鳳凰廳佔考生員周麟現等一族自前明時由江西遷居辰谿並未在鳳凰廳落籍前此苗疆甯謐該廳土著士民安居誦讀兼未與周氏生童較藝考試無攻擊滋衅之事是以從前學臣清釐苗疆冒籍時不復遽議撥回今該廳經苗匪滋擾士民日夕守望勢難專事詩書其文理已不若周氏兼之沿邊壯勇非其子姪卽其親屬其捍禦之勞周氏從無一人與共獨至考試則佔該廳學額於情理兩未允協請照前任學臣

吳省蘭所奏將沿襲冒考之生童周麟現等十五名撥歸辰谿應考等語臣等查生童籍貫原以田糧廬墓爲憑鳳凰實非周氏本籍且數年前該廳有事之際周氏並無捍禦之勞亦未資助鄉勇口食自未便令其沿舊冒考致佔鳳凰廳學額今既據該撫等查明周氏久居辰谿納糧編戶已百餘年自應如該撫等所奏撥歸辰谿縣學考試以協輿情而昭平允其續行查出佔籍生員李序賓等十一名原籍實係辰谿芷江麻陽等處與周氏事同一例亦應如所請分別改歸原籍仍請

敕令該督撫學政查明各生住址造具清冊咨部存案所有臣等遵旨覆核酌議緣由是否有當伏乞

訓示遵行謹 奏奉  
旨依議欽此

湖南苗民屯改考 卷十四 學校 左

部覆估考苗疆貢生唐洪鑒等撥歸原籍考試 嘉慶十五年六月准咨  
禮部等部謹

奏為遵

旨議奏事內閣鈔出護理湖南巡撫朱紹曾會同學政李宗瀚奏苗疆  
估籍捐考及民估苗籍各生請撥回原籍一摺奉

硃批禮部議奏欽此查原奏內稱湖南乾州鳳凰永綏並保靖四廳縣  
苗疆紳士等自戡定之後於修卡均田等事皆能急公明義 奏  
蒙

皇上天恩苗疆士子鄉試數在三十名以上編為邊字號於本省額內  
取中一名苗民近亦向化讀書數在十五名以上編為田字號額



外取中一名恐有他處民人託名苗疆苗生希圖僥倖應令地方官嚴行查禁違者從重治罪等因轉行遵照在案嘉慶十三年恭逢

恩科鄉試先據升任辰永沅靖道傅爾查有乾州鳳凰永綏保靖四廳縣冒籍及民佔苗籍各生稟請通飭各廳縣逐一清查詳辦並將乾州廳歲貢生唐洪鑒等鳳凰廳生員黃煦永綏廳生員粟成九等保靖縣歲貢生蔡兆鴻等均撥回原籍等因<sub>臣</sub>等查士民籍貫毋許混淆例禁綦嚴况綏靖苗疆振興伊始尤當清釐冒濫以廣皇仁而昭核實嘉慶十三年經<sub>臣</sub>部議准湖南巡撫景安等奏請將乾州鳳凰永綏保靖等處苗疆士子及苗生鄉試另編字號分別取

中原因該四廳縣紳士均田設卡著有成勞各苗生等向化讀書寬其登進之途本為鼓勵苗疆地方起見當經<sub>臣</sub>部奏明毋許客民佔額通行遵照在案茲據該護撫等查明佔籍各生議令撥歸本籍並據該護撫奏內聲明各該生等均自祖父以來相沿捐考自非因奏准另編字號之後有心佔冒可知第既經逐一清查各有本籍可歸應如該護撫等所請將拔貢生彭峻修一名歲貢生唐洪鑒等五名恩貢生武有文一名廩生蔡元喜等三名生員田宏開等三十八名監生唐洪銘等三名准其分別撥歸各原籍考試其廩生作為原籍候廩至僧生雷文孝係更名冒考應如所請斥革令其自回原籍已故生員向方義等四名監生彭焯一名僧

生蔡心旭等二名其子孫均撥歸原籍考試概不准在該廳縣考  
試以杜弊混至吏員唐洪鑒查吏部近年考職冊內並無該吏之  
名應令該撫聲明該吏於何年考授何項職銜並將該吏原領執  
照咨部再行核辦武生譚萬錦一名應如所請准其撥歸原籍武  
生蔡廷輝等九名准其各歸本縣一體考試已故武舉易學經一  
名已故武生易學倫等六名其子孫俱不准在該廳考試惟查各  
省民人遷徙寄籍在六十年以上者臣部原有奏明准其入籍不  
必復行具呈存案苗疆地方情形自與他處不同該寄籍民人等  
雖有年限已滿者亦不得因其僑寓已久尙無騎考情弊卽按照  
此例致妨苗疆士子及苗生等上進之階倘經此次清查之後仍

有民人混冒影射查明係在嘉慶十三年另編字號以後捐考者  
卽從嚴懲辦自足清冒濫而杜弊端所有臣等核議緣由是否有  
當伏候

批示再此摺因有吏員武生事宜是以臣部會同吏兵二部議 奏  
嘉慶十五年四月十四日奉

旨依議欽此



札飭苗疆教職毋許勒索規禮  
 嘉慶十二年  
 道 辰 沅 傅 肅  
 為札飭事照得鳳乾永保各廳縣地方前遭兵燹蕩析離居還定  
 勞來甫聞絃誦方期休息培養士氣振興本道於嘉慶十年由鳳  
 凰廳陞任以來訪聞苗疆教職每逢歲科兩試取進文武民苗生  
 員於謁見填冊時恣意索取名為印卷禮各寒畯一經入泮即受  
 窘迫無論貧乏之家力難致送即從前有力各戶自遭變後復又  
 均田養勇亦非饒裕之家何堪受此需索而各寨苗人甫經向化  
 讀書尤應加意體恤查例載教職勒索贖見規禮者革職  
 功令綦嚴是以本道體恤該員於額支俸廉之外每員在贖田餘

札飭苗疆教職毋許勒索規禮

嘉慶十二年

道 辰 沅 傅 肅

為札飭事照得鳳乾永保各廳縣地方前遭兵燹蕩析離居還定  
 勞來甫聞絃誦方期休息培養士氣振興本道於嘉慶十年由鳳  
 凰廳陞任以來訪聞苗疆教職每逢歲科兩試取進文武民苗生  
 員於謁見填冊時恣意索取名為印卷禮各寒畯一經入泮即受  
 窘迫無論貧乏之家力難致送即從前有力各戶自遭變後復又  
 均田養勇亦非饒裕之家何堪受此需索而各寨苗人甫經向化  
 讀書尤應加意體恤查例載教職勒索贖見規禮者革職  
 功令綦嚴是以本道體恤該員於額支俸廉之外每員在贖田餘

租項下歲給穀一百六十石統計三年給穀四百八十石不得於歲科兩試再向新進文武民苗生員需索印卷規費現值考試之期誠恐狃於積習合行札飭為此札仰該教職遵照務須恪遵功令毋稍需索倘不知饜足仍蹈前轍本道一有見聞定即據實揭叅決不姑寬

立議單

鳳凰廳 永綏廳 乾州廳 保靖縣

總屯長

某

等今議得楚俗歲科兩試入

泮者各備銀兩於招覆前謁見學師名曰印卷禮即弟子謁師贊敬於例本有不符但相沿已久各處皆然茲因鳳凰乾州永綏保靖四廳縣地方自乾隆乙卯苗變後蕩析離居士鮮絃誦蒙 傅恩憲勞來還定安集哀鴻又於武功既備之餘聿修文教詳請

大憲 奏准鳳乾永保瀘麻六廳縣各增設書院一所屯苗義學一百館又 奏蒙

天恩

每科鄉試鳳乾永保民苗諸生另編邊田字號取中二名 憲德汪洋已無微不至茲又奉札飭以鳳乾永保各學師每年已給穀一百石以助薪水如遇考試不許向新進民苗文武生員收取印卷規費極為嚴切但念學師寒羶苜蓿缺本清苦且諸生既列門牆應修弟子之禮以昭誠敬是以公同酌議凡歲科入泮者由各學廩保秉公查明有力者出贄儀銀十二兩稍有力者出銀八兩無力者出銀四兩倘實係赤貧未能措備即由總屯長籌款代為無力之生致送庶學師得有協助於送考盤費等項不致支絀是

於遵奉

功令之中稍盡師生之誼立此議單為據

（Faint bleed-through text from the reverse side of the page, including characters like '鳳凰廳' and '敬脩書院'）

鳳乾永保瀘麻六廳縣書院名目

鳳凰廳

敬脩書院一所

乾州廳

立誠書院一所

永綏廳

綏陽書院一所

保靖縣

雅麗書院一所

麻陽縣

錦江書院一所

瀘溪縣

浦陽書院一所

以上六廳縣共設書院六所

鳳乾永古保五廳縣屯苗義學館數地名

鳳凰廳

屯義學二十七館

本城二館

小教場一館

同全坡一館

即木里

棋盤卡一館

華昌卡一館

即巖口

四路口一館

即馬鞍山

德畱坪一館

即苟巖

油茶塘一館

即司門前

靖疆營一館

花溝田一館

即茶山

定勝卡一館

即追壘

高峰營一館

即兩頭羊

得勝營一館

即洞脚

定疆卡一館

即羊管沖

大石卡一館

即大田

西江門一館

即泡

溝田卡一館

獅子坡一館

舊司坪一館

草子坪一館

木林坪一館

老營盤一館

即廖家冲

都吾卡一館

楚里卡一館

務頭卡一館

德駕卡一館

苗義學十七館

新洞坪一館

毛豆塘一館

爆木營一館

火麻營一館

科甲一館

芭科一館

高都一館

巖尾坡一館

鴨保寨一館

龍朋一館

塘寨一館

龍角碕一館

田坪一館

古桑營一館

蘇麻寨一館

新寨一館

打郎一館

十五年添設苗義學八館

茶山寨一館

補丁寨一館

老菜溪一館

兩岔河一館

官畚坪一館

夯柳寨一館

烏草河一館

西良寨一館

乾州廳

屯義學八館

西關廂一館

新街堡一館

三十撈一館

馬頸坳一館

大堤坪一館

雅枝寨一館

百戶寨一館

野茅坪一館

苗義學八館

朗貝溪一館

隴保寨一館

小溪一館



莊上坪一館 麟車一館 瞿家莊一館

陽孟寨一館 黃腦寨一館

十五年添設苗義學二館

勞神寨一館 樹耳寨一館

永綏廳

屯義學十三館

花園二館 安慶屯一館 豐和屯一館

興盛屯一館 清平屯一館 太平屯一館

永豐屯一館 長慶屯一館 木山屯一館

茶硎堡一館 弭諾一館 龍泉屯一館

苗義學十二館

老旺寨一館 隆團一館 科耳寨一館

水坪寨一館 下寨一館 破口寨一館

兒子寨一館 窩大招一館 水連雞一館即水田溪

半館併名小子蜡一館即小排吾止蜡老高巖一館即老鐵坪高

併名窩巖一館即窩隆巖洛

十五年添設苗義學七館

潮水溪一館 楊張寨一館 納鳥車一館

排穀寨一館 董馬寨一館 卡鐵寨一館

排料寨一館

古丈坪廳

苗義學三館

蕩坨寨一館

坎著寨一館

茅坪一館

十五年添設苗義學一館

龍鼻嘴一館

保靖縣

屯義學二館

印山台一館

水蔭場一館

苗義學十館

毛坪寨一館

葫蘆寨一館

萬古溪一館

碌碌河一館

鼻子寨一館

隘口寨一館

水田寨一館

排家糯一館

夯沙坪一館

阿稞寨一館

十五年添設苗義學二館

大巖寨一館

矮坡寨一館

以上五廳縣原設屯義學五十館苗義學五十館共一

百館十五年增設苗義學二十館

總共屯苗義學一百二十館



各添設廩生二名增生二名保靖縣添設廩生一名增生一名分別循例出貢俾登進有階益加砥勵等情由該管廳縣轉呈府道移司查辦據藩司崇福臬司孫翹澤會核詳請

奏咨前來臣查學政全書內開順治十六年題准貴州各屬大學取進苗生五名中學三名小學二名均附各學肄業廩額大學二名中小學一名至出貢現在苗生新進尚少令附大學者三年一貢附中小學者五年一貢俟入學人多令照州縣例三年兩貢又順治十七年題准貴州各屬苗生分大中小學定入學補廩額數俱另立一冊勿與府州縣衛學額數相混又乾隆二十五年議准湖南辰州府屬之乾州鳳凰永綏三廳皆新闢苗疆乾鳳二廳已於

雍正十年間設學取士惟永綏未曾設學該地民苗童生現在義學肄業堪以應試者實有三百餘人自應一體設學將辰谿縣訓導裁汰改設永綏廳學訓導照乾鳳二廳之例定額取進甯缺無濫俟十年後准其食餼補廩再十年後照例題請出貢初次考試令苗童互相保結俟開考取進後即令生員識認保考歲科數次食餼有人照例令其廩保識認各等語是苗疆從前設學之始曾經議准食餼補廩因昔年歷無考列優等苗生是以久未陳請添設廩額近年涵濡

**教澤**絃誦益多常有考居優等生員若不令其食餼入貢未免向隅且貴州苗學久已設有廩額湖南苗生事同一律自應照例添設以

示鼓舞合無仰懇

天恩俯准將湖南乾州鳳凰永綏三廳苗學各添設廩生二名增生二名保靖縣苗學添設廩生一名增生一名查照乾隆二十五年部議責令識認保考應支廩餼銀兩即在司庫地丁項下動支給領造報如無考列一等苗生甯缺無濫出貢年分亦請照附中小各學五年出貢一人仍各另立一冊不與民籍額數相混除咨禮戶各部外所有分別添設廩增各額緣由理合會同湖廣總督臣李瀚章恭摺具

奏伏乞

皇太后

皇上聖鑒敕部核覆施行再湖南學政臣暫行兼理無庸列銜合併聲

明謹

奏

Table with multiple vertical columns, mostly blank or containing faint text.

前案部議 光緒七年

禮部謹

奏為遵

旨議奏事內閣鈔出湖南巡撫李明墀奏苗疆文風日盛請將鳳乾永三廳並保靖縣苗學分別添設廩增各額一摺於光緒七年十月二十一日奉

旨該部議奏欽此欽遵到部查原奏內稱鳳乾永三廳並保靖一縣均屬苗疆文童歲科兩試各取進新童四名保靖縣取進新童二名鄉試例中苗生舉人一名向未添有廩增從前文風樸陋各苗生並無取列一等者近來人文日盛各苗生多有考列一等者格於

向章未經准其補廩食餼歷來歲科兩試考取苗童祇以附生作為認派保與民籍有廩保者辦理兩歧現據田字號舉人麻心佐等公稟請將鳳乾永三廳各添設廩生二名增生二名保靖縣添設廩生一名增生一名分別循例出貢俾登進有階益加砥礪等情由該管廳縣轉呈府道移司會核詳請奏咨前來查學政全書內開順治十六年題准貴州各屬大學取進苗生五名中學三名小學二名均附各學肄業廩額大學二名中小學一名至出貢現在苗生新進尚少令附大學者三年一貢附中小學者五年一貢俟入學人多令照州縣例三年兩貢又順治十七年題准貴州各屬苗生分大中小學定入學補廩額數俱另立一冊勿與府州縣

民學額數相混又乾隆二十五年議准湖南辰州府屬之乾州鳳凰永綏三廳皆新闢苗疆乾鳳二廳已於雍正十年間設學取士惟永綏未經設學該地民苗童生現在義學肄業堪以應試者實有三百餘人自應一體設學將辰谿訓導裁汰改設永綏廳學訓導照乾鳳二廳之例定額取進甯缺毋濫俟十年後准其食餼補廩再十年後照例題請出貢初次考試令苗童互相保結俟開考取進後即令生員認識保考歲科數次食餼有人照例令其廩保識認各等語是苗疆從前設學之始曾經議准食餼補廩因昔年無考列優等苗生是以久未陳請添設廩額近年濡濡

教澤

絃誦益多常有考居優等生員者不令其食餼出貢未免向隅且

貴州苗學久已設有廩額湖南苗生事同一律自應照例添設以示鼓勵懇將鳳凰乾州永綏三廳苗學各添設廩生二名增生二名保靖縣苗學添設廩生一名增生一名仍立一冊不與民籍額數相混等語查學政全書內開湖南鳳凰乾州永綏三廳各額進新童二名保靖縣額進新童一名又雍正十年議准苗童應試用漢廩生一名苗生一名不論廩增附生公同聯名保結又乾隆十年議准湖南苗徭生員應歲科兩試彌封後另於卷面填注苗字樣以便學政閱卷時與民籍生員相較酌量位置等因各在案是該省苗民惟童試另額取進其生員歲科試卷既無民籍生員酌量位置如有考列一等者未始不可與民籍生員一律幫補自毋

庸另設廩增至童試時以苗生及漢廩生公同保結其保結之苗生並不論廩增附生所以體恤苗生者不爲不至今該撫以鳳凰乾州永綏三廳保靖一縣苗籍人文日盛多有考列一等者格於向章未經補廩考取苗童祇以附生作爲認派保與民籍有廩保者辦理兩歧援照順治六十七兩年貴州苗生另設廩增各案並乾隆二十五年議設永綏廳學額案內十年後准其補廩食餼一語請將各該廳縣苗學分別添設廩增等因臣詳加查核除貴州徭民現僅黎平一府分設土苗進額外其廩增額並未劃分此外各屬苗民已於乾隆十六年議准令與漢童一體考試不分立新童進額是順治年間另設苗籍廩增三案並非現行事例其所



引乾隆二十五年議准永綏廳學額一案係因該廳民苗童生堪以應試者有三百餘人比照乾鳳二廳定額取進所有原案內十年後准其補廩一節原統民苗合考而言迨乾隆五十年議准將鳳凰乾州永綏三廳學額裁減各改設新童二名嘉慶十七年議准添設保靖縣苗童進額一名檢查各案均未另設廩增之額復查該省送部同治元年以後歲科考等第冊除永綏廳間有苗籍生員考列一等外其乾州鳳凰保靖等廳縣均未查有考列一等之苗籍生員自係因文理並無可觀之故若竟行另設廩增定額誠恐衡文者意存遷就勢必以文理全無可取之卷濫竽充數轉不足以示鼓勵等公同商酌所有鳳凰乾州永綏三廳及保靖

一縣苗童應試應查照定例用漢廩生一名及苗生一名不論廩增附生公同保結其苗生歲科試卷仍查照向章於彌封後註明苗籍字樣由學政與民籍生員酌量位置果有考列優等者准與民籍生員按照名次先後一體幫補廩增挨次出貢以昭公允該撫請將各該廳縣分別添設廩增各額之處應毋庸議所有臣等遵議緣由是否有當謹

奏奉

旨依議欽此

禮部謹  
奏為請  
部議前署貴州巡撫田興恕報効欠餉准湖南文鄉試中額  
二十名分撥邊號中額二名摺  
光緒八年

禮部謹  
奏為請  
部議前署貴州巡撫田興恕報効欠餉准湖南文鄉試中額  
二十名分撥邊號中額二名摺  
光緒八年

奏為請

旨事准湖南巡撫涂 咨稱據布政使按察使會詳准戶部咨開議覆  
貴州巡撫林肇元奏黔省軍需報銷核准各營欠款請加廣舉額  
一摺內原籍湖南兼署貴州巡撫貴州提督田興恕管帶各營欠  
發餉銀六百十七萬三百兩零請加廣湖南文武鄉試中額二十  
名文鄉試中額應於本年壬午科取中十五名再於下屆乙酉科  
取中五名等因光緒八年正月初四日具奏奉

旨依議欽此欽遵轉飭遵照去後茲據鳳凰乾州永綏三廳暨保靖縣紳士公稟四廳縣苗疆士子鄉試嘉慶初年奏明每科以三十名另編邊號取中一名彼時應試人少邇來人文漸起每科近二百名縱有文理堪中者每以額滿見遺茲前署貴州巡撫田興恕欠餉加廣湖南舉額並未分別邊號伏思田興恕籍隸鳳凰廳所部將弁勇丁多係三廳人歷年枵腹從戎積成巨款今捐廣舉額歸通號取中邊號士子不能同沾實惠未免向隅應如何分撥加廣邊號之處稟請核辦查湖南文鄉試鳳凰乾州永綏三廳並永順府屬之保靖一縣苗疆應試士子數至三十名以上編爲邊字號於本省額內取中一名近科錄送總在一百名以外軍興以來報

效捐輸疊奉加廣永遠及一次中額祇加通省從未議廣邊號茲據該紳等以田興恕籍隸苗疆所部多係苗疆人所有欠餉係苗疆將弁勇丁應領之款今既全數報効應如何分廣邊號舉額分科取中抑廣一次中額一二名之處詳請咨部又湖南武鄉試苗疆士子向歸通省取中應毋庸議等情應咨部查核議覆等因臣部正在核辦聞復據刑部員外郎鄧亨先等呈稱均籍隸湖南乾州廳與鳳凰永綏兩廳保靖一縣均係苗疆於嘉慶初年奉部議准每科鄉試應試三十名以上另編字號取中一名近科應試實有百數十人而中額例有一定不敢妄請加增歷屆

恩詔廣額亦無分撥邊號之例軍興以來湖南通省捐輸及各營報効

欠餉加廣一次及永遠中額甚多獨邊號未能一律加廣以通省之捐款廣通省之中額亦何得妄希劃撥茲查前署貴州巡撫田興恕係鳳凰廳人所部將弁勇丁籍隸三廳及保靖者十之七隸外府廳縣者不過十之三其報効欠餉六百餘萬皆邊號各廳縣應領之款居多經在籍紳士呈請湖南巡撫將加廣中額二十名如何分撥邊號取中咨部核辦惟巡撫咨文祇請廣邊號一次中額一二名伏思報効欠餉廣額原就銀數多少爲憑此次六百餘萬之款邊屬各廳縣約在四百餘萬他屬僅百數十萬捐少者占額反多捐多者撥額過少若按照銀數計算應劃分邊號中額十之七通省只得十之三否則以十名歸通省取中以十名撥歸邊

號分科遞廣或於議准之加廣一次中額二十名內裁撤十名以三百萬銀數於湖南廣額之外准廣邊號永遠中額一名等情呈請到部<sub>臣</sub>等查嘉慶十三年湖南巡撫景安等奏稱鳳凰乾州永綏三廳並永順府屬之保靖一縣士民修建碯卡均田屯勇皆能捐產急公深明大義鄉試士子魯樸者多與通省諸生較藝難以獲售請另編字號取中一名經<sub>臣</sub>部議准嗣後鳳凰乾州永綏三廳保靖一縣應試士子數至三十名以上另編爲邊字號於本省額內取中一名如不及三十名仍歸通省取中卽將來應試人多亦不得於額外加取以示限制又同治十三年戶部會同<sub>臣</sub>部議准嗣後各省捐輸不准請加永遠中額又光緒八年會議據貴州

湖南官報正卷 卷十四  
巡撫林肇元奏前署貴州巡撫田興恕管帶各營欠餉六百十七萬三百兩零核與捐銀三十萬兩加一次文武鄉試中額各一名新章有盈無絀請加廣湖南文鄉試中額二十名於本年壬午科取中十五名再於下屆乙酉科取中五名等因各在案今湖南巡撫以該廳縣紳士因田興恕籍隸苗疆所部多係苗疆人向捐廣舉額仍歸通省取中邊號不能同沾實惠應如何分廣抑廣一次中額一二名咨請核議並據籍隸乾州廳刑部員外郎鄧亨先等以田興恕所部籍隸三廳及保靖者十之七隸外府廳縣者不過十之三其報効欠餉六百餘萬皆邊號各廳縣應領之款居多巡撫咨文祇請廣邊號一次中額一二名是捐少者中額佔多捐多

者撥額過少請照銀數計算劃分邊號中額十之七否則十名撥歸邊號或於二十名裁撤十名以三百萬兩銀數加廣邊號永遠中額一名等因除永遠中額業於同治十三年奏准停止加廣所請廣邊號永遠中額一名應毋庸議外查捐輸廣額向係合一省捐款併計通同取中並無按各該府廳州縣所捐銀數將所廣中額劃分取中成案今湖南鳳凰等廳縣紳士以田興恕籍隸苗疆報効欠餉該廳縣約在四百餘萬他屬僅百數十萬臣部因無從查核且以數廳縣報効之欠餉廣數廳縣鄉試之中額亦與歷辦廣額成案不符惟該廳縣士子原係另編字號取中與他處情形不同並據該撫查明此次欠餉多係苗疆將弁勇丁應領之款請

湖南直隸古正考 卷一四  
分廣邊號一次中額一二名自係為嘉惠邊隅起見若不量為變通則邊號士子既不能與通省諸生較藝又未獲以報効巨款一邀格外之

恩似非所以昭激勸 臣等公同商酌所有議准前署貴州巡撫田興恕報効欠餉加廣湖南文鄉試中額二十名可否如該撫所請以二名撥歸邊號之處伏候

聖裁如蒙

俞允即於本年壬午科及下屆乙酉科每科各取中一名至該省加廣中額十八名應令於本年壬午科取中十四名合之邊號廣額仍不逾

恩詔廣額十五名之數其餘四名俟下屆乙酉科再行取中所有 臣等據咨核議緣由是否有當謹

奏奉

旨依議欽此



民人盡知書農皆習禮移其惡俗格其非心庶幾卽苗卽民亂萌永絕矣復於書院中另設苗生童正副課額令其肄業每月於書院考課之外與民籍生童一律傳署加試一課分別優劣厚給獎賞始則苗生童應課者僅近城數人今則竟有不遠百數十里而來者可知該生童等尙知激勸而自奮勉其中文理優長亦實有人向因格於成例不獲補廩故歲科應試到者甚少似無以鼓勵人才茲據該廳等援例請設廩額實爲風世勵俗起見與職道意見相符用敢據情轉詳伏念 大人體

**聖主**

懷柔之意功懋招攜遂遐方向化之心 恩隆作育俾動其歆羨之念益奮其鼓舞之忱將見論秀書升多士廣登庸之路舉善則

勸小民深觀感之資不獨械樸作人風同道一亦且抔榛化俗於變時雍仰望 恩施實爲德便





藝中者不意諸卷中如穿花蝴蝶深深見夕陽簫鼓幾船歸吹面  
不寒楊柳風等句以及鶯簧燕剪鳥語花香漁歌樵唱等字面亦  
竟無卷不有殊覺不經更有寫牧童歸去橫牛背短笛無腔信口  
吹二句作結者又有以暮從碧山下云云作結者不知前人作詠  
而歸題文雖有結處為歌詞一段論者已謂其求雅反俗路開生  
先生論  
之詳矣諸生取仁  
在堂文讀之自見况直寫前人之詩句乎至於經書中典故亦須  
選擇而用諸卷每於入手中用采蘭贈芍謂狂士亦有此樂者不  
知此詩詠士女相謔乃鄭國之頹風曾氏雖狂何至如此為樂如  
以此為不經則諸生必不服然一為抉出其弊試自思之是乎否  
乎諸生即欲以詞采見長諸經中儘有附會烘託之字面何必取

材於三代以下之詩文乎謹按鄉會試磨勘條例載文體不正者

黜革

凡應試之作如用不吉祥字  
樣及輕佻字句均為不正

引用後世事蹟者罰停一科

**功**令森嚴當蒙以養正之時可不勉為清真雅正之文乎本道少壯  
從軍未嘗學問然書香世守庭訓親承於此道亦略知甘苦今分  
巡斯土振興文教責有難辭因抉以上諸弊粘示書院俾諸生舉  
一反三挽回風氣本道有厚望焉



